



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 28. Veccus revocatur.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Omnes quatuor inerant quadrato carceri
 gravibus catenis in suo quisque angulo
 onerati. Sic Imperator Michaël fallebat
 Legatos.

Sæcul. XIII.

A. C. 1279.

L. 17.

§. XXVIII.

Veccus revocatur.

At studiosius cogitabat revocare Veccum.

Episcopi abdicationem ejus non admiserant, quod tamen necessarium fuisset, etiamsi ratam habuisset Imperator: ac Veccus ipse non dixerat indignum se aut inhabilem. Solum causatus erat, se viso quorundam tumultu injusto, abeundum sibi potius a munere suo, quam in eorum offensionem incurrendum duxisse.

Hoc autem dictum non tam erat abdicandi ratio, quam reprehensio illorum, qui hanc iniquitatem impedire poterant. Ergo communi ex consensu rogatus est, ut Ecclesiam suam denuo regendam susciperet. Sed renuebat, nisi de calumniatoribus suis vindicaretur: id quod fieri nequibat secundum Imperatoris principia, qui plurium aliorum Principum more accusatum culpa liberando mederi quidem calumniæ, non vero punire calumniatores volebat, metuens, ne veras magni momenti res non cognosceret, nisi tutum esset etiam falsas denunciations sibi facere. Patriarcha, cum æqua

Hist. Ecclesiast. Tom. XXI.

E obti-

Sæcul. XIII. obtinere haud posset, sibi persuaderi pas-
A. C. 1279. sus, ut accusatoribus veniam daret, 6
 Augusti eodem anno 1279 faum in pala-
 tium rediit stipante se magnifico comita-
 tu Cleri ac Senatorum.

Tum excusationis causa composita fuit ad Papam epistola, cui Episcoporum haud existentium, ac Episcopatum, qui nunquam fuere, numerus grandis subscriptus est eadem manu. Nescio, inquit Pachymerus, an id de Patriarchæ consilio sit factum: sed, Imperator exequare volebat numerosas Latinorum subscriptiones, quippe qui plures Episcoporum centurias in conciliis numerarent suis. Iisdem in litteris data est opera, ut cumulata Patrum verba, Spiritum Sanctum fluere, dari, monstrari, radiare, splendere, ac similia dicentium, ejus processionem obscurarent, & hanc vocem propriam removerent. Sic scripta erat Græcorum Episcoporum epistola fallax & blanditiis erga Latinos plena, quos tamen a multis illorum anathemate feriri satis constabat.

ap. Rayn.
1280.

Etiam Imperator Papæ Nicolao scripsit de Rosetino Episcopo ejusque tribus sociis receptis. At his in litteris tantum repetiit professionem fidei ac juramentum suo nomine in concilio Lugdunensi editum, de novis Legatorum petitionibus nullam mentionem faciens. Androni-
cum

cum quoque scribere iussit, qui solum ad patris sui epistolam se retulit, eique ad-
hæsit. Suam dabat mense Septembri
indictione octava an. 6788, seu an. 1279
mense Septembri, unde Græci annum
cum indictione inchoabant.

Sæcul XIII.
A.C. 1279.

§. XXIX.

*Papæ querimonie de pugnis equestri-
bus extra bellum.*

Eodem anno delatum in Franciam Ca-
rolum Salerni Principem Siciliae Re-
gis filium natu majorem, ac patruelem
suum Rex Philippus audax cum Baroni-
bus suis magno excepit honore, & quas
antea prohibuerat, pugnas equestres con-
cessit in gratiam ejus ac fratris sui Ro-
berti Comitis Claromontani, quem brevi
abhinc tempore una cum pluribus aliis
Equitem inauguraverat. Hæc certami-
na instaurata minime probans Papa
Nicolaus ad Cardinalem de S. Cæcilia
suum in Gallia Legatum ita scripsit: In-
dicasti nobis Gallorum Regem Baronum
rogatu revocasse nuper edictum ex eorum
consilio factum, ut equestres pugnae
usque ad generalem transitum in Palæ-
stinam omitterentur; & has pugnas te
præsente promulgatas fuisse ac executio-
ni datas contra sacrae Sedis inhibitionem
sub anathematis poena. Dolemus autem
E 2 magno-

Dachefne
t. 5. p. 573.

Rayn. 1279.
n. 17.